



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

XXX. An Conciliis legitimis, & adprobatis, sit infallibilis Autoritas, vt errare
non poßint?

urn:nbn:de:hbz:466:1-11726

sententias: se tamen purgandi, suaque probandi facultas eis ter est facta à Concilio. Sess. 13. 15 & 18.

VIII. Detur saluus conductus ab Imperatore Personis, ne puniantur; & Causæ, ne damnetur, etsi defendi nequeat.

AT, Conductus saluus ter oblatus est: cætera sunt ridicula & absurda postulata.

AVTOR. **CONDITIONES** Conciliorum legitime sunt. I. Ut quatuor, Euocatio sit generalis ad omnes prouincias. 2. Nullus Episcopus verus excludatur, nisi excommunicatus. 3. Adsint per se, vel alios Patriarchæ quatuor. 4. Saltem ex maiore parte prouinciarum Christianarum adsint Episcopi.

Q V Æ S T I O X X X.

An Conciliis legitima, & adprobata sit infallibilis Auctoritas, ut errare non possint?

LUTHERANI & CALVINIANI pernegant.

SVADERE nituntur. I. CALVINVS *Instit. l. 4. c. 9. § 3. &c.* Scripturas crepat, quibus omnes Pastores, Sacerdotes & Prophetæ arguuntur improbitatis, ignorantie, & erroris.

AT, ait *August. de Unit. Eccl.* propter quosdam malos reprehenduntur sapè & boni. Ut *Phil. 2. Omnes, quæ sua sunt, querunt.* Dein: Ecclesiæ & Synagogæ diuersa est ratio.

II. Errata sunt Conciliorum plura: vt *3. Reg. 22.* Concilium 400. Prophetarum Et, *Ioann. 9.* Iudæorum Concilium præside Caipha: Hæc Calvinus. *Lutherus* affert Concilium Apostolorum *Act. 15.*

AT, ij Prophetæ erant falsi: & Iudæi

subordinarant falsos testes Concilio factorum tumultuario, non iusto. Plura *Bel. larminus l. 2. c. 8.* historica, sycophanticè allata refutat.

AVTOR. I. Conciliorum permagna est diuersitas. Generalia adprobata sunt duodeuiginti: Reprobata octo: Adprobata partim, partim reprobata sex: Nec adprobatum, nec reprobatum vnum Pisanum.

II. De fide est, Concil. gen. confirmata per Papam, errare non posse in fide seu moribus. I. Quia Christus interest iis. *Matth. 18. Vbi sunt duo. &c.* Vide *Antichristum part. 2. quæst.*

III. Quia Ecclesia nequit errare: *Matth. 16. Porte inferi non praual. &c.* Attota formalitas Ecclesiæ est in Prælatiis: Quare neque hiritè congregati errare queunt. Accedit, quòd repræsentant vniuersam Ecclesiam, proindeque habent consensum eiusdem. Vnde, *3. Reg. 8. cœtus Procerum cum Salomone congregatus dicitur tota Ecclesia Israël.* Ita S. Patres.

IV. Quia, Papa non potest errare in fide. *Luc. 22. Rogauit pro te. &c.* de hoc a lubi. Ergo nec errare potest Conciliū à Pontif. confirmatum.

V. Quia, Episcopi sunt habendi vt Pastores, audiendi vt Magistri, sequendi vt Duces. *Luc. 10. Qui vos audit. &c.* *Heb. 13. Obedite Præpositis:* *Act. 20, Eph. 4.* dicuntur Pastores, ideò, vt non circumferantur omni vento. Item Doctores, *Matth. vlt. Docete omnes gentes. &c.* Item speculatores: *Ezech. 33. Speculatore domui Israël dedi te.* S. Patres vocant Episcopos *Speculatores & oculos, & Patres.* Hosce cum sequi iubeamur à Deo, si se felle-

fellerint, certè in Deum culpa referenda foret. Utque singuli errare possint, non tamen collecti in nomine Christi.

VI. Quia, sic & Patres. Hi affirmant I. Concil. generalis sententiam esse vltimum Ecclesiæ iudicium in causa fidei, à quo non datur appellatio; quodque retractari nequit. 2. Esse hæreticos, qui Concilio generali non acquiescunt: eò, quod ista errare non possint. 3. Esse diuina decreta ab Conciliis generalibus profecta. 4. Esse moriendum potius, quam ab iis abeundum. Docet ista testimoniis *Bell. l. 2. c. 3.*

VII. Quia nō foret infallibilis Conciliis veritas, 1. Nullum foret in Ecclesia firmum iudicium, quo finiretur controuersia, vnitasq; seruaretur. 2. Possent reuocari in dubium damnatæ hæreses. 3. Nulla esset certitudo de libris S. Scripturæ. 4. Nullo digna forent honore, & intolerabilem continerent errorē; quia proponere quid credendum possent, quod nunquam in Symbolo fuisset. Quæ omnia de Confirmatis capienda sunt Conciliis. Nam generalia non confirmata errarunt plura: Et omnia ante confirmationem Papæ errare queunt, nisi Papæ sequantur infallibilitatem.

Q V Æ S T I O XXXI.

Maiore sit auctoritas Concilij, quam Scripturæ?

LUTHERANI quam infanda in nos constringant, in Antipapista Mendace part. 1. retulimus. Lutheri vox est libr. de Ecclesia. *Papa S. Scripturam in cenno & puluere sepeliit. & doctrinam Christianam penam integram deleuit.* Vide etiam in Antipapista part. 2. q. 3. Vociferantur omnes, Scripturam à nobis subici Concilij.

CALVINVS Instit. l. 4. c. 9. §. 14. ait, *Subicere eum in modum Dei Oracula hominum censura, ut ideo rata sint, quia placuerim hominibus; blasphemia est, indigna qua commemoretur.*

AUTOR. Magnum & multiplex discrimen est Scripturæ ab Conciliis.

I. Scriptura est immediatè à Deo reuelata, sic vt, 2. Pet. 1. *Spiritu S. inspirante locuti sint Sancti Dei:* Et si quidam Scripserunt, quæ viderunt, vt Matthæus & Ioannes: alii quæ audierunt, vt Marcus & Lucas; *Sicut, ait, tradiderunt nobis, qui ab initio ipsi viderunt.* Concilia autem non scribunt reuelationes; sed 2. Tim. 3. *Omnia Scriptura diuinitus inspirata* solum declaratur ab eis vel quoad sensum, vel quoad ipsam Scripturam, quæ sit canonica, quæ non.

II. Scriptores sine labore scripserunt, aut prophetarunt: at Concilia discutunt summa cum diligentia: patet *Autorum 15.*

III. In S. Scriptura nullus inesse potest error: At Concilia possunt in iudiciis morum, & particularibus errare.

IV. In S. Scriptura tam Verba, quam sententiæ pertinent ad fidem: at in Conciliis solum decreta de fide; non disputationes, & rationes.

V. Scripturæ non eget approbatione Papæ, vt sit autentica; sed tantum eius innotescat Auctoritas: at Concilia confirmari oportet, vt rata sint.

Q V Æ S T I O XXXII.

Papa, an Concilij sit potior Auctoritas?

LUTHERANI & CALVINISTÆ Conciliis Papam subiiciunt: voluntque tantum suæ esse Ecclesiæ Præulem; aut, ad summum,